

九章算經

九章算經卷第一

魏劉徽注

唐朝議奏行失史令上輕重都尉李淳風等奉勅注釋

方田

以御田
疇界域

今有田廣十五步從十六步問爲田幾何

答曰一畝

又有田廣十二步從十四步問爲田幾何

百六十八步

圖從十四
廣十二

術曰廣從步數相乘得積步

此積謂凡廣從相乘

謂之羣臣淳風等謹按經云廣從相乘得積步注云廣從相乘謂之羣觀斯注意

積羣義同以理推之固當不爾何則羣是方而單布之名積乃衆數聚居之稱循名

責實二者全殊雖欲同之竊恐不可今以凡言羣者據廣從之一方其言積者舉衆

步之都數經云相乘得積步即是都數之明文注云謂之爲羣全乖積步之本意此

經注前云積爲田羣於理得通復云謂之爲羣繁而不當今者注釋存善去非略爲

科簡遺諸後學

以畝法二百四十步除之即畝數二畝爲

一頃臣淳風等謹按此爲篇端故特多頃畝二法餘術不復言者從此可知

一畝田廣十五步從而疏之令爲十五行
即每行廣一步而從十六步又橫而截之
令爲十六行即每行廣一步而從十五步
此即從疏橫截之步各自爲方凡有二百
四十步爲一畝之地步數正同以此言之
即廣從相乘得積驗矣二百四十步者畝
法也百畝者頃法也故以除之即得

今有田廣一里從一里問爲田幾何

答曰三頃七十五畝

又有田廣二里從三里問爲田幾何

答曰二十二頃五十畝

里田

術曰廣從里數相乘得積里以三百七十

五乘之即畝數

按此術廣從里數相乘得積里故方里之中有三頃

七十五畝故以乘之即得畝數也

今有十八分之十二問約之得幾何

答曰三分之二

又有九十一分之四十九問約之得幾何

答曰十三分之七

約分

按約分者物之數量不可悉全必以分言之分之爲數繁則難用設有四

分之二者繁而言之亦可爲八分之四約而言之則二分之一也雖則異辭至於爲

數亦同歸爾法實相推動有
參差故爲術者先治諸分

術曰可半者半之不可半者副置分母子
之數以少減多更相減損求其等也以等

數約之

等數約之即除也其所以相減者
皆等數之重疊故以等數約之

今有三分之一五分之二問合之得幾何

答曰十五分之十一

又有三分之二七分之四九分之五問合之得
幾何

答曰得一六十三分之五十

又有二分之一三分之一二四分之三五分之四
問合之得幾何

答曰得二六十分之四十三

合分

臣淳風等謹按合分知數非一端分無定準諸分子雜互羣母參差龐細

既殊理難從一故齊其衆分同其羣母令可相并故曰合分

術曰母互乘子并以爲實母相乘爲法互母

乘子約而言之者其分龐繁而言之者其分細雖則龐細有殊然其實一也衆分錯難非細不會乘而散之所以通之通之則可并也凡母互乘子謂之齊羣母相乘謂之同者相與通同共一母也齊者子與母齊勢不可失本數也方以類聚物以羣

分數同類者無遠數異類者無近遠而通
體知雖異位而相從也近而殊形知雖同
列而相違也然則齊同之術要矣錯綜度
數動之斯諧其猶佩觿解結無往而不理
焉乘以散之約以聚之齊同以通之此其
筭之綱紀乎其一術者可令母除為率率
為齊子實如法而一不滿法者以法命之今
求其實故齊其子又同其母令如母而一
其餘以等數約之即得知所謂同法為母
實餘為子皆從此例其母同者直相從之

今有九分之八減其五分之一問餘幾何

答曰四十五分之三十一

又有四分之三減其三分之一問餘幾何

答曰十二分之五

減分

臣淳風等謹按諸分子母數各不同以少減多欲知餘幾減餘爲實故曰

分減

術曰母互乘子以少減多餘爲實母相乘

爲法實如法而一

子母互乘子者知以齊其子也以少減多者知齊

故可相減也母相乘爲法者同其母母同子齊故如母而一即得

今有八分之五二十五分之十六問孰多多幾何

答曰二十五分之十六多多二百分

之三

又有九分之八七分之六問孰多多幾何

答曰九分之八多多六十三分之二
又有二十一分之八五十分之十七問孰多多
幾何

答曰二十一分之八多多一千五十
分之四十三

課分

臣淳風等謹按分各異名理不齊
一校其相多之數故曰課分也

術曰母互乘子以少減多餘爲實母相乘

爲法實如法而一即相多也

臣淳風等謹按此術母互

乘子以少分減多分按此術多與減分義同唯相多之數意共減分有異減分知求其餘數有幾課分知以其餘數相多也

今有三分之一三分之二四分之三問減多益少各幾何而平

荅曰減四分之三者二三分之二者一并以益三分之一而各平於十二分之七

又有二分之一三分之二四分之三問減多益

少各幾何而平

荅曰減三分之二者一四分之三者
四并以益二分之一而各平於三十
六分之二十三

平分

臣淳風等謹按平分知諸分參差欲令齊等減彼之多增此之少故曰平

也分

術曰母互乘子

子齊其子也

副并為平實

臣淳風等謹按

母互乘子副并為平實知定此平

實主限衆子所當損益知限為平

母相乘

為法

母相乘為法知亦齊其子又同其母

以列數乘未并者

各自為列實亦以列數乘法

此當副并列數為平實若

然則重有分故反以列數乘同齊臣淳風等謹又按問云所平之分多少不定或

三或二列位無常平三知置位三重平二知置位二重凡此之例一準平分不可預

定多少故直云列數而已以平實減列實餘約之為所

減并所減以益於少以法命平實各得其平

今有七人分八錢三分錢之一問人得幾何

荅曰人得一錢二十一分錢之四

又有三人三分人之一分六錢三分錢之一四

分錢之三問人得幾何

荅曰人得二錢八分錢之一

經分

臣淳風等謹按經分者自合分已下皆與諸分相齊此乃直求一人之分

以人數分所分故曰經分也

術曰以人數為法錢數為實實如法而一

有分者通之

者母互乘子知齊其子母相乘者同其母以母通之者分母

乘全內子乘散全則為積分積分則與分子相通之故可令相從凡數相與者謂之率率知自相與通有分則可散分重疊則約也等除法實相與率也故散分者必令兩分母相乘法實也重有分者同而通之

又以法分母乘實實

分母乘法此謂法實俱有分故令分母
各乘全分內子又令分母互乘上下

今有田廣七分步之四從五分步之三問爲田
幾何

荅曰三十五分步之十二

又有田廣九分步之七從十一分步之九問爲
田幾何

荅曰十一分步之七

又有田廣五分步之四從九分步之五問爲田
幾何

答曰九分步之四

乘分

臣淳風等謹按乘分者分母相乘為法子相乘為實故曰乘分

術曰母相乘為法子相乘為實實如法而

一凡實不滿法者而有母子之名若有分以乘其實而長之則亦滿法乃為全耳

又以子有所乘故母當報除報除者實如法而一也今子相乘則母各當報除因令分母相乘而連除也此田有廣從難以廣諭設有問者曰馬二十匹直金十二斤今賣馬二十五匹三十五人分之人得幾何答曰三十五分斤之十二其為之也當如經分術以十二斤金為實三十五人為法設更言馬五匹直金三斤今賣四匹七人分之人得幾何答曰人得三十五分斤之十二其為之也當齊其金人之數皆合初問

入於經分矣然則分子相乘爲實者猶齊其金也母相乘爲法者猶齊其人也同其母爲二十馬無事於同但欲求齊而已又馬五匹直金三斤完全之率分而言之則爲一匹直金五斤之三七人賣四馬一人賣七分馬之四分子與人交互相生所從言之異而計數則三術同歸也

今有田廣三步三分步之一從五步五分步之二問爲田幾何

荅曰十八步

又有田廣七步四分步之三從十五步九分步之五問爲田幾何

答曰一百二十步九分步之五

又有田廣十八步七分步之五從二十三步十分步之六問為田幾何

答曰一畝二百步十一分步之七

大廣田

臣淳風等謹按大廣田知初術直有全步而無餘分次術空有餘分

而無全步此術先見全步復有餘分可以廣兼三術故曰大廣

術曰分母各乘其全分子從之

分母各乘其全分子

從之者通全步內分子相乘為實分母相

如此則母子皆為實矣

乘為法

猶乘分也

實如法而一

今為術廣從俱有分當各自通

其分命母入者還須出之故
令分母相乘爲法而連除之

今有圭田廣十二步正從二十一步問爲田幾何

荅曰一百二十六步

又有圭田廣五步二分步之一從八步三分步之二問爲田幾何

荅曰二十三步六分步之五

術曰半廣以乘正從

半廣知以盈補虛爲直田也亦可半正從

以乘廣按平廣乘從以取中平之數故廣從相乘爲積步畝法除之即得也

今有邪田一頭廣三十步一頭廣四十二步正從六十四步問爲田幾何

荅曰九畝一百四十四步

又有邪田正廣六十五步一畔從一百步一畔從七十二步問爲田幾何

荅曰二十三畝七十步

術曰并兩邪而半之以乘正從若廣又可半正從若廣以乘并畝法而一

并而半之者以盈補

虛也

今有箕田舌廣二十步踵廣五步正從五十步
問爲田幾何

荅曰一畝一百三十五步

又有箕田舌廣一百一十七步踵廣五十步正
從一百三十五步問爲田幾何

荅曰四十六畝二百三十二步半

術曰并踵舌而半之以乘正從畝法而一

中分箕田則爲兩邪田故其術相
似又可并踵舌半正從以乘之

今有圓田周三十步徑十步臣淳風等謹按術
意以周三徑一爲

率周三十步合徑十步今依密問為田幾何

答曰七十五步

此於徽術當為田七十一

分步之一百三臣淳風等謹依密

三十

又有圓田周一百八十一步徑六十步三分步

之一

臣淳風等謹按周三徑一周一百八十一

步徑六十步三分步之一依密率徑五十一

答曰十一畝九十步十二分步之一

此於徽術當為田十畝二百八十三

淳風等謹依密率為田十畝二百五步八十八分步之八十七

術曰半周半徑相乘得積步

按半周為從半徑為廣故

廣從相乘為積步也假令圓徑二尺圓中容六弧之一面與圓徑之半其數均等令徑率一而弧周率三也又按為圖以六弧之一面乘一弧半徑二因而六之得十二弧之羣若又割之次以十二弧之一面乘一弧之半徑四因而六之則得二十四弧之羣割之彌細所失彌少割之又割以至於不可割則與圓周合體而無所失矣弧面之外猶有餘徑以面乘徑則羣出弧表若夫弧之細者與圓合體則表無餘徑表無餘徑則羣不外出矣以一面乘半徑弧而裁之每輒自倍故以半周乘半徑而為圓羣此以周徑謂至然之數非周三徑一之率也周三者從其六弧之環耳以推圓

規多少之覺乃弓之與弦也然世傳此法
莫肯精覈學者踵古習其謬失不有明據
辯之斯難凡物類形象不圓則方方圓之
率誠著於近則雖速可知也由此言之其
用博矣謹按圓驗更造密率恐空設法數
昧而難譬故置諸檢括謹詳其記注焉割
六弧以爲十二弧術曰置圓徑二尺半之
爲一尺即圓裏弧之面也令半徑一尺爲
弦半面五寸爲句爲之求股以句累二十
五寸減弦累餘七十五寸開方除之下至
秒忽又一退法求其微數微數無名知以
爲分子以下爲分母約作五分忽之二故
得股八寸六分六釐二絲五忽五分忽之
二以減半徑餘一寸三分三釐九毫七秒
四忽五分忽之三謂之小句小句知半面
五寸之句弧之半面而又謂之小股爲之
求弦其累二千六百七十九億四千九百
一十九萬三千四百四十五忽全分并之

開方除之即十二弧之一面也割十二弧
以爲二十四弧術曰亦令半徑爲弦半面
爲句爲之求股置上小弦羣四而一得六
百六十九億八千七百二十九萬八千三
百六十一忽餘分棄之即句羣也以減弦
羣其餘開方除之得股九寸六分五釐九
毫二秒五忽五分忽之四以減半徑餘三
分四釐七秒四忽五分忽之一謂之小句
弧之半面又謂之小股爲之求小弦其羣
六百八十一億四千八百三十四萬九千
四百六十六忽餘分棄之開方除之即二
十四弧之一面也割二十四弧以爲四十
八弧術曰亦令半徑爲弦半面爲句爲之
求股置上小弦羣四而一得一百七十億
三千七百八萬七千三百六十六忽餘分
棄之即句羣也以減弦羣其餘開方除之
得股九寸九分一釐四毫四秒四忽五分
忽之四以減半徑餘八釐五毫五秒五忽

五分忽之一謂之小句弧之半面又謂之
 小股爲之求小弦其幕一百七十一億一
 千二十七萬八千八百一十三忽餘分棄
 之開方除之得小弦一寸三分八毫六忽
 餘分棄之即以四十八弧之一面以半徑一
 尺乘之又以二十四乘之得幕三萬一千
 三百九十三億四千四百萬忽以百億除
 之得幕三百一十三寸六百萬二十五分
 之五百八十四即九十六弧之幕也割四
 十八弧以爲九十六弧術曰亦令半徑爲
 弦半面爲句爲之求股置次上弦幕四而
 一得四十二億七千七百五十六萬九千
 七百三忽餘分棄之則句幕也以戒弦幕
 其餘開方除之得股九寸九分七毫八毫
 五秒八忽十分忽之九以戒半徑餘二毫
 一毫四秒一忽十分忽之一謂之小句弧
 之半面又謂之小股爲之求小弦其幕四
 十二億八千二百一十五萬四千一十二

忽餘分棄之開方除之得小弦六分五釐
四毫三秒八忽餘分棄之即九十六分六釐
一面以半徑一尺乘之又以四十八乘之
得冪三萬一千四百一十億二千四百萬
忽以百億除之得冪三百一十四寸六分
二五分寸之六十四即一百九十二分
之冪也以九十六弧之冪減之餘六百二
十五分寸之一百五謂之差冪倍之爲分
寸之二百一十即九十六弧之外弧田九
十六所謂以弦乘矢之凡冪也加此冪於
九十六分弧之冪得三百一十四寸六百二
十五分寸之一百六十九則出於圓之表
矣故還就一百九十二弧之全冪三百一
十四寸以爲圓冪之定率而棄其餘分以
半徑一尺除圓冪倍所得六尺二寸八分
即周數令徑自乘爲方冪四百寸與圓冪
相折圓冪得一百五十七爲率方冪得二
百爲率方冪二百其中容圓冪一百五十

七也圓率猶爲微少按弧田圖合方中容
圓圓中容方內方合外方之半然則圓幕
一百五十七其中容方幕二百也又合徑
二尺與周六尺二寸八分相約周得一百
五十七徑得五十則其相與之率也周率
猶爲微少也晉武庫中漢時王莽作銅斛
其銘曰律嘉量斛內方尺而圓其外甬旁
九釐五毫幕一百六十二寸深一尺積一
千六百二十寸容十斗以此術求之得幕
一百六十一寸有奇其數相近矣此術微
少而斛差幕六百二十五分寸之一百五
以十二弧之幕以率消息當取此分寸之
三十六以增於一百九十二弧之幕以爲
圓幕三百一十四寸二十五分寸之四置
徑自乘之方幕四百寸令與圓幕通相約
圓幕三千九百二十七方幕得五千是爲
率方幕五千中容圓幕三千九百二十七
圓幕三千九百二十七中容方幕二千五

百也以半徑一尺除圓幕三百一十四分
二十五分寸之四倍所得六尺二寸八分
二十五分寸之八即周數也全徑二尺與
周數通相約徑得一千二百五十周得三
千九百二十七即其相與之率若此者蓋
盡其纖微矣舉而用之上法爲約耳當求
一千五百三十六弧之一面得三千七十
二弧之幕而裁其微分數亦宜然重其驗
耳臣淳風等謹按舊術求圓皆以周三
徑一爲率若用之求圓周之數則周少徑
多用之求其六弧之田乃與此率合會耳
何則假令六弧之田弧間各一尺爲面自
然從角至角其徑一尺可知此則周六徑
二與周三徑一已合恐此猶以難曉今更
引物爲喻設令刻物作圭形者六枚枚別
三面皆長一尺攢此六物悉使銳頭向裏
則成六弧之周角徑亦皆一尺更從弧角
外畔圍繞爲規則六弧之徑盡達規矣當

面徑短不至外規若以徑言之則爲規六尺徑二尺面徑皆一尺面徑股不至外畔定無二尺可知故周三徑一之率於圓周乃是徑多周少徑一周三理非精密蓋術從簡要舉大綱略而言之劉徽將以爲疎遂乃改張其率但周徑相乘數難契合微雖出斯二法終不能究其纖毫也祖冲之以其不精就中更推其數今者修撰攬撫諸家考其是非冲之爲密故顯之於徽術之下冀學者之所裁焉

又術曰周徑相乘四而一

此周與上弧同耳周徑相乘各

當以半而今周徑田全故兩母相乘爲四以報除之於徽術以五十乘周一百五十七而一即徑也以一百五十七乘徑五十而一即周也新術徑率猶當微少則據周以求徑則失之長據徑以求周則失之短諸據見徑以求幕者皆失之於微少據周

以求羈者皆失之於微多 臣淳風等按
依密率以七乘周二十二而一即徑以二
十二乘徑七而一即
周依術求之即得

又術曰徑自相乘三之四而一 按方圓徑
自乘為外

方三之四而一者是為圓居外方四分之
三也若令六弧之一面乘半徑其羈即外
方四分之三也一也因而三之即亦居外方四
分之三也是謂圓裏十二弧之羈耳取以
為圓失之於微少於微新術當徑自乘又
以一百五十七乘之二百而一 臣淳風
等謹按密率令徑自乘以十
一乘之十四而一即圓羈也

又術曰周自相乘十二而一 六弧之周其
於圓徑三與

一也故六弧之周自相乘為羈若圓徑自
乘者九方九方凡為十二弧者十有二故

曰十二而一即十二弧之冪也今此令周
 自乘非但若爲圓徑自乘者九方而已然
 則十二而一所得又非十二弧之類也若
 欲以爲圓冪失之於多矣以六弧之周十
 二而一可也於徽新術直令圓周自乘又
 以二十五乘之三十一十四而一得圓冪
 其率三百一十四者周自乘之冪也置周
 數六尺二寸八分令自乘得冪三十九萬
 四千三百八十四分又置圓冪三萬一千
 四百分皆以一千二百五十六約之得此
 率臣淳風等謹按方面自乘即得其積
 圓周求其冪股率乃通但此術所求用三
 一爲率圓田正法半周及半徑以相乘令
 乃用全周自乘故湏以十二爲母何者據
 全周而求半周則湏以二爲法就全周而
 求半徑復假六以除之是二六相乘除周
 自乘之數依密率以
 七乘之八十八而一

今有宛田下周三十步徑十六步問爲田幾何

答曰一百二十步

又有宛田下周九十九步徑五十一步問爲田幾何

答曰五畝六十二步四分步之一

術曰以徑乘周四而一

此術不驗故推方錐以見其形假令

方錐下方六尺高四尺四尺爲股下方之半三尺爲句正面邪爲弦弦五尺也令句股相乘四因之得六十尺即方錐四面見者之羃若令其中容圓錐圓錐見羃與方錐見羃其率猶方羃之與圓羃也按方錐下六尺則方周二十四尺以五尺乘而半

之則亦方錐之見羃故求圓錐之數折徑以乘下周之半即圓錐之羃也今宛田上徑圓穹而與圓錐同術則羃失之於少矣然其術難用故略舉大較施之大廣田也求圓錐之羃猶求圓田之羃也今用兩全相乘故以爲法除之亦如圓田矣開立圓術說圓方諸率甚備可以驗此

今有弧田弦三十步矢十五步問爲田幾何

答曰一畝九十七步半

又有弧田弦七十八步二分步之一矢十三步九分步之七問爲田幾何

答曰二畝一百五十五步八十一分

步之五十六

術曰以弦乘矢矢又自乘并之二而一方

之圓圓裏十二弧之幕合外方之幕四分
之三也方中合外方之半則朱青合外方
四分之一也弧田半圓之幕也故依半圓
之體而為之特以弦乘天而半之則為黃
幕矢自乘而半之為二青幕青黃相連為
弧體弧體法當應規令弧而不至外畔失
之於少矣圓田舊術以周三徑一為率俱
得十二弧之幕亦失之於少也與此相似
指驗半圓之弧耳若不滿半圓者益復疎
闊宜依句股鋸圓材之術以弧弦為鋸道
長以矢為句深而求其徑既知圓徑則弧
可割分也割之者半弧田之弦以為股其
矢為句為之求弦即小弧之弦也以半小
弧之弦為句半圓徑為弦為之求股以減

半徑其餘即小弦之矢也割之又割使至極細但舉弦矢相乘之數則必近密率矣然於算數差繁必欲有所尋究也若但度田取其大數舊術為約耳

今有環田中周九十二步外周一百二十二步

徑五步

此欲令與周三徑一之率相應故言徑五步也據中外周以徽術言之當徑四

步一百五十七分步之一百二十二也臣淳風等謹按依密率合徑四步二十二分步之十

七問為田幾何

答曰二畝五十五步

於徽術當為田二畝三十一步

一百五十七分步之二十三臣淳風等依密率為田二畝三十步二十

二分步之十五

又有環田中周六十二步四分步之三外周一

百一十三步二分步之一徑十二步三分步之

二此田環而不通匝故徑十二步三分步之二若據上周求徑者此徑失之於多過周三徑

一之率蓋為疎矣於徽術當徑八步六百二十八分步之五十一臣淳風等謹按依周三徑

一考之合徑八步二十四分步之一十一依密率合徑八步一百七十六分步之一十三問

為田幾何

答曰四畝一百五十六步四分步之

一於徽術當為田二畝二百三十二步五千二十四分步之七百八十二

七也依周三徑一為田三畝二十五步六十四分步之二十五臣淳風

等謹按密率爲田二畝二百三十七步一千四百八分步之七百一十七也

術曰并中外周而半之以徑乘之爲積步

此田截而中之周則爲長并而半之知亦以盈補虛也此可令中外周各自爲圓田以中圓減外圓餘則環實也按此術并中外周步數於上分母子於下母乘子者爲中外周俱有分故以互乘齊其子母相乘同其母子齊母同故通全步內分子半之知以盈補虛得中平之周周則爲從徑則爲廣故廣從相乘而得其積既合分母還須分母出之故令周徑分母相乘而連除之即得積步不盡以等數除之而命分以畝法除積步得畝數也

密率術曰置中外周步數分子各居其下
母互乘子通全步內分子以中周減外周
餘半之徑亦通分內子以乘周爲密實分
母相乘爲法除之爲積步餘積步之分以
畝法除之即畝數也

九章算經卷第一

九章算經卷第二

魏劉徽注

唐朝議大夫行太史令上輕車都尉臣李淳風等奉勅注釋

粟米

以御交質變易

粟米之法

凡此諸率相與大通其特相求各如本率可約者約之別術然也

粟率五十

糲米三十

粃米二十七

粳米二十四

御米二十一

小麴十三半

大麴五十四

糲飯七十五

糲飯五十四

糲飯四十八

御飯四十二

菽荅麻麥各四十五

稻六十

豉六十三

殮九十

熟菽一百三半一

蘖一百七十五

今有

此都術也凡九數以爲篇名可以廣施諸率所謂告往而知來舉一隅而

三隅反者也誠能分詭數之紛雜通彼此之否塞因物成率審辨名分平其偏頗齊其參差則終無不歸於此術也

術曰以所有數乘所求率爲實以所有率

爲法

少者多之始一者數之母故爲率者必等之於一據粟率五糲率三是粟

五而爲一糲米三而爲一也欲化粟爲米者糲當先本是一一者謂以五約之令五而爲一也訖乃以三乘之令一而爲三如是則率至於一以五爲三矣然先除後乘或有餘分故術反之又完言之知粟五升爲糲米三升分言之知粟一斗爲糲米五分斗之三以五爲母三爲子以粟求糲米者乘其母報除也然則所求之率常爲母也臣淳風等謹按宜云所求之率常爲子所有之率常爲母今乃云所求之率常爲母知實如法而一脫錯也

今有粟一斗欲爲糲米問得幾何

答曰爲糲米六升

術曰以粟米糲米三之五而一

臣淳風等謹按都術

以所求率乘所有數以所有率為法此術以粟求米故粟為所有數三為所求率五為粟率故五為所有率粟率五十米率三十退位求之故唯去三五也

今有粟二斗一升欲為糲米問得幾何

荅曰為糲米一斗一升五十分升之

十七

術曰以粟米糲米二十七之五十而一

臣淳

風等謹按糲米之率二十有七故直以二十七之五十而一也

今有粟四斗五升欲為糲米問得幾何

答曰爲粳米二斗一升五分升之三

術曰以粟米粳米十二之二十五而一臣

風等謹按粳米之率二十有四以爲率太繁故因而半之故半所求之率以乘所有之數所求之率既減半所有之率亦減半是故十二乘之二十五而一也

今有粟七斗九升欲爲御米問得幾何

答曰爲御米三斗三升五十分升之

九

術曰以粟求御米二十一之五十而一

今有粟一斗欲爲小麴問得幾何

荅曰爲小麴二升一十分升之七

術曰以粟求小麴二十七之百而一

臣淳風等

謹按小麴之率十三有半半者二爲母以二通之得二十七爲所求率又以母二通其粟率得一百爲所有率凡本率有分者須即乘除也他皆放此

今有粟九斗八升欲爲大麴問得幾何

荅曰爲大麴一十斗五升二十五分

升之二十一

術曰以粟求大麴二十七之二十五而一

臣淳風等謹按大麴之率五十有四其可半故二十七之亦如粟求麴米半其二率

今有粟二斗三升欲爲糲飯問得幾何

荅曰爲糲飯三斗四升半

術曰以粟求糲飯三之二而一

臣淳風等謹按糲飯

之率七十有五粟求糲飯合以此數乘之今以等數二十有五約其二率所求之率得三所有之率得二故以三乘二除

今有粟三斗六升欲爲糲飯問得幾何

荅曰爲糲飯三斗八升二十五分升

之二十二

術曰以粟求糲飯二十七之二十五而一

臣淳風等謹按此
術與大麵多同

今有粟八斗六升欲爲麪飯問得幾何

荅曰爲麪飯八斗二升二十五分升
之一十四

術曰以粟求麪飯二十四之二十五而一

臣淳風等謹按麪飯率四
十八此亦半二率而乘除

今有粟九斗八升欲爲御飯問得幾何

荅曰爲御飯八斗二升二十五分升

之八

術曰以粟求御飯二十一之二十五而一

臣淳風等謹按此術
半率亦與繫飯多同

今有粟三斗少半升欲爲菽問得幾何

荅曰爲菽二斗七升一十分升之三

今有粟四斗一升太半升欲爲荅問得幾何

荅曰爲荅三斗七升半

今有粟五斗太半升欲爲麻問得幾何

荅曰爲麻四斗五升五分升之三

今有粟一十斗八升五分升之二欲爲麥問得

幾何

荅曰爲麥九斗七升二十五分升之

一十四

術曰以粟求菽荅麻麥皆九之十而一臣

風等謹按四術率並四十五皆是爲粟所求俱合以此率乘其本粟術欲從省先以等數五約之所求之率得九所有之率得十故九乘十除義由於此

今有粟七斗五升七分升之四欲爲稻問得幾何

荅曰爲稻九斗三十五分升之二十

四

術曰以粟求稻六之五而一

臣淳風等謹按稻率六十

亦約二率而乘除

今有粟七斗八升欲爲豉問得幾何

荅曰爲豉九斗八升二十五分升之

七

術曰以粟求豉六十三之五十而一

今有粟五斗五升欲爲殮問得幾何

荅曰爲殮九斗九升

術曰以粟求殮九之五而一臣淳風等謹按殮率九十

退位與求稻多同

今有粟四斗欲為熟菽問得幾何

荅曰為熟菽八斗二升五分升之四

術曰以粟求熟菽二百七之百而一臣淳

謹按熟菽之率一百三半半者其母二故以母二通之所求之率既被二乘所有之率隨而俱長故以二百七之百而一

今有粟二斗欲為蘖問得幾何

荅曰為蘖七斗

術曰以粟求粟七之二而一

臣淳風等謹按粟率一百

七十有五合以此數乘其本粟術欲從省先以等數二十五約之所求之率得七所有之率得二故七乘二除

今有糲米十五斗五升五分升之二欲為粟問得幾何

荅曰為粟二十五斗九升

術曰以糲米求粟五之三而一

臣淳風等謹按上術

以粟求米故粟為所有數三為所求率五為所有率今此以米求粟故米為所有數五為所求率三為所有率准都術求之各合其數以下所有反求多同皆准此

今有粳米二斗欲爲粟問得幾何

一
答曰爲粟三斗七升二十七分升之

術曰以粳米求粟五十之二十七而一

今有粳米三斗少半升欲爲粟問得幾何

答曰爲粟六斗三升三十六分升之

七

術曰以粳米求粟二十五之十二而一

今有御米十四斗欲爲粟問得幾何

荅曰爲粟三千三斗三升少半升

術曰以御米求粟五十之二十一而一
今有稻一十二斗六升一十五分升之一十四
欲爲粟問得幾何

荅曰爲粟一十斗五升九分升之七

術曰以稻求粟五之六而一

今有糲米一十九斗二升七分升之一欲爲糲
米問得幾何

荅曰爲糲米一十七斗二升一十四

分升之一十三

術曰以糲米求糲米九之十而一

臣淳風等謹按

糲率二十七合以此數乘糲米術欲從者先以等數三約之所求之率得九所有之率得十故九乘而十除

今有糲米六斗四升五分升之三欲為糲飯問得幾何

荅曰為糲飯一十六斗一升半

術曰以糲米求糲飯五之二而一

臣淳風等謹按

糲飯之率七十有五宜以本糲飯乘此率數術欲從省先以等數十五約之所求之

率得五所有之率得二
故五乘二除義由於此

今有糲飯七斗六升七分升之四欲爲殮問得
幾何

荅曰爲殮九斗一升三十五分升之

三十一

術曰以糲飯求殮六之五而一臣傳風等謹按殮率

九十爲糲飯所求宜以殮乘此率術欲從
省先以等數十五約之所求之率得六所
有之率得五以此
故六除五除也

今有菽一斗欲爲熟菽問得幾何

荅曰爲熟菽二斗三升

術曰以菽求熟菽二十三之十而一臣淳風等

謹按熟菽之率一百三半因其有半各以母二通之宜以熟菽數乘此率術欲從省先以等數九約之
所求之率得一十一半所有之率得五也

今有菽二斗欲爲豉問得幾何

荅曰爲豉二斗八升

術曰以菽求豉七之五而一臣淳風等謹按豉率六十

三爲菽所求宜以豉乘此率術欲從省先以等數九約之
所求之率得七而所有之率得五也

今有麥八斗六升七分升之三欲爲小麴問得幾何

荅曰爲小麴二斗五升一十四分升之一十三

術曰以麥求小麴三之十而一

臣淳風等謹按小麴

之率十三半宜以母二通之以乘本麥之數術欲從省先以等數九約之
得三所有之率得十也
所求之率

今有麥一斗欲爲大麴問得幾何

荅曰爲大麴一斗二升

術曰以麥求大麴六之五而一

臣淳風等謹按大麴

之率五十有四合以大麴數乘此率術欲從省先以等數九約之所求之率得六術有之率得五也

今有出錢一百六十買甌甓十八枚

甌甓甑也

問枚

幾何

荅曰一枚八錢九分錢之八

今有出錢一萬三千五百買竹二千三百五十

箇問箇幾何

荅曰一箇五錢四十七分錢之三十

五

經率

臣淳風等謹按今有之義以所有率乘所求合以銖釐一枝錢一百六十

爲實但以一乘不長故不復乘是以徑將所買之率與所出之錢爲法實也此又按今有之義出錢爲所有數一枝爲所求率所買爲所有率而今有之即得所求率一不長故不復乘是以徑將所買之率爲法以所出之錢爲實故實如法得一枝錢不盡者等數而命分

術曰以所買率爲法所出錢數爲實實如法得一錢

今有出錢五千七百八十五買漆一斛六斗七

升太半升欲斗率之問斗幾何

荅曰一斗三百四十五錢五百三分
錢之一十五

今有出錢七百二十買縑一匹二丈一尺欲丈
率之問丈幾何

荅曰一丈一百一十八錢六十一分
錢之二

今有出錢二千三百七十買布九匹二丈七尺
欲匹率之問匹幾何

荅曰一匹二百四十四錢一百二十

九分錢之一百二十四

今有出錢一萬三千六百七十買絲一石二鈞
一十七斤欲石率之問石幾何

荅曰一石八千三百二十六錢一百

九十七分錢之百七十八

經率

此術猶經分 臣淳風等謹按今有

之義錢為所求率物為所有數故以
乘錢又以分母乘之為實實如法而一有
分者通之所買通分內子為所有率故以
為法得錢數不盡而命分者因法為
母實餘為子實見不滿故以命之

術曰以所求率乘錢數爲實以所買率爲法實如法得一

今有出錢五百七十六買竹七十八箇欲其大小率之問各幾何

荅曰

其四十八箇箇七錢

其三十箇箇八錢

今有出錢一千二百二十買絲一石二鈞十八斤欲其貴賤斤率之問各幾何

荅曰

其二鈞八斤五錢

其一石一十斤六錢

今有出錢一萬三千九百七十買絲一石二鈞
二十八斤三兩五銖欲其貴賤石率之間各幾
何

荅曰

其一鈞九兩一十二銖石八千五十

一錢

其石一鈞二十七斤九兩一十七
銖石八千五十二錢

今有出錢一萬三千九百七十買絲一石二鈞
二十八斤三兩五銖欲其貴賤鈞率之間各幾
何

荅曰

其七斤一十兩九銖鈞二千一十二
錢

其一石二鈞二十斤八兩二十銖鈞

二千一十三錢

今有出錢一萬三千九百七十買絲一石二鈞
二十八斤三兩五銖欲其貴賤斤率之間各幾
何

荅曰

其一石二鈞七斤十兩四銖斤六十

七錢

其二十斤九兩一銖斤六十八錢

今有出錢一萬三千九百七十買絲一石二鈞

二十八斤三兩五銖欲其貴賤兩率之間各幾何

荅曰

其一石一鈞一十七斤一十四兩一

銖兩四錢

其一鈞一十斤五兩四銖兩五錢

其率

其率如欲令無分按出錢五百七十

六買竹七十八箇以除錢得七實餘三十是爲三十箇復可增一錢然則實餘之數則是貴者之數故曰實貴也本以七十八箇爲法今以貴者減之則其餘悉是賤者之數故曰法賤也其求石鈞斤兩以

積銖各除法實各得其積數餘各爲銖知
謂石鈞斤兩積銖除實以石鈞斤兩積銖
除法餘各爲銖即合所問

術曰各置所買石鈞斤兩以爲法以所率
乘錢數爲實實如法而一不滿法者反以
實減法法賤實貴

今有出錢一萬三千九百七十買絲一石二鈞
二十八斤三兩五銖欲其貴賤銖率之問各幾
何

答曰

其一鈞二十斤六兩十一銖五銖一

錢

其一石一鈞七斤一十二兩一十八

銖六銖一錢

今有出錢六百二十買羽二千一百

羽本也數羽

稱其本猶數草本稱其根株

欲其貴賤率之問各幾何

荅曰

其一千一百四十瓶三瓶一錢

其九百六十瓶四瓶一錢

今有出錢九百八十買矢幹五千八百二十枚
欲其貴賤率之問各幾何

荅曰

其三百枚五枚一錢

其五千五百二十枚六枚一錢

反其率

臣淳風等謹按其率者錢多物少反其率知錢少物多多少相反故

曰反其率也其率者以物數爲法錢數爲實反之知以錢數爲法物數爲實不滿法知實餘也當以餘物化爲錢矣法爲凡錢而今所以化錢減之故以實減法法少知經分之所得故曰法少實多者餘分之所益故曰實多乘實宜以多乘法宜以少故曰

各以其所得多少之數乘法實即物數其
求石鈞斤兩以積銖各除法實各得其數
餘各為銖者謂之石鈞斤兩積銖除實石
鈞斤兩積銖除法餘各為銖即合所問

術曰以錢數為法所率為實實如法而一

不滿法者反以實減法法少實多二物各

以所得多少之數乘法實即物數其率按出錢六

百二十買羽二千一百攤反之當二百四十錢一錢四攤其三百八十錢一錢三攤

是錢有二價物有貴賤故以羽乘錢反之二率也臣淳風等謹按其率者以物數為

法錢為實反之者以錢數為法物為實不滿法者實餘也當以餘物化為錢矣法為

凡錢而今以化錢減之故曰反以實減法也法少者知經分之所得故曰法少實多

者知餘分之所益故曰實多宜以多乘法
少乘實故曰各以所得多少數乘法實即
物數也

九章算經卷第二

九章算經卷第三

魏劉徽注

唐劉徽注
劉徽注釋

衰分

以御貴賤稟稅

衰分

衰分差也

術曰各置列表

列表相與率也重疊則可約

副并為法

以所分乘未并者各自為實

法集而衰別數本一也今

以所分乘上別以下集除之一乘一除適足相消故所分猶存且各應率而別也於今有術列衰各為所求率副并為所有率所分為所有數又以經分言之假令甲家

三人乙家二人丙家一人并六人共分十
二爲人得二也欲復作逐家者則當列置
人數以一人所得乘之
今此術先乘而後除也實如法而一不滿
法者以法命之

今有大夫不更簪褭上造公士凡五人共獵得
五鹿欲以爵次分之間各得幾何

荅曰

大夫得一鹿三分鹿之二

不更得一鹿三分鹿之一

簪褭得一鹿

上造得三分鹿之二

公士得三分鹿之一

術曰列置爵數各自爲衰

爵數者謂大夫五不更四簪襄

三上造二公士一也墨子號令篇以爵級爲賜然則戰國之初有此名也今有術列

衰各爲所求率副并爲所有率今有鹿數爲所有數而今有之即得副并爲

法以五鹿乘未并者各自爲實實如法得

一鹿

今有牛馬羊食人苗苗主責之粟五斗羊主曰我羊食半馬馬主曰我馬食半牛今欲衰償之

問各出幾何

荅曰

牛主出二斗八升七分升之四

馬主出一斗四升七分升之二

羊主出七升七分升之一

術曰置牛四馬二羊一各自爲列衰副并

爲法以五斗乘未并者各自爲實實如法

得一斗

臣淳風等謹按此術問意羊食半馬食半牛是謂四羊當一牛二

羊當一馬今術置羊一馬二牛四者通其率以爲列衰

今有甲持錢五百六十乙持錢三百五十丙持錢一百八十凡三人俱出關關稅百錢欲以錢數多少裹出之間各幾何

荅曰

甲出五十一錢一百九分錢之四十

一

乙出三十二錢一百九分錢之一十

二

丙出一十六錢一百九分錢之五十

六

術曰各置錢數爲列表副并爲法以百錢

乘未并者各自爲實實如法得一錢

臣淳風等

謹按此術甲乙丙持錢數以爲列表副并爲所有率未并者各爲所求率百錢爲所有數而今有之即得

何
今有女子善織日自倍五日織五尺問日織幾

荅曰

初日織一寸三十一分之二十九

次日織三寸三十一分寸之七

次日織六寸三十一分寸之十四

次日織一尺二寸三十一分寸之二

十八

次日織二尺五寸三十一分寸之二

十五

術曰置一二四八十六爲列裏副并爲法
以五尺乘未并者各自爲實實如法得一
尺

今有北鄉筭八千七百五十八西鄉筭七千二百三十六南鄉筭八千三百五十六凡三鄉發徭三百七十八人欲以筭數多少裹出之間各幾何

答曰

北鄉遣一百三十五人一萬二千一百七十五分人之一萬一千六百三十七

西鄉遣一百一十二人一萬二千一

百七十五分人之四千四

南鄉遣一百二十九人一萬二千一

百七十五分人之八千七百九

術曰各置筭數爲列

臣淳風等謹按三鄉筭數約可半者

爲列

副并爲法以所發徭人數乘未并者

各自爲實實如法得一人

按此術今有之義也

今有稟粟大夫不更簪裹上造公士凡五人一十五斗今有大夫一人後來亦當稟五斗倉無粟欲以襄出之間各幾何

荅曰

大夫出一斗四分斗之一
不更出一斗

簪裹出四分斗之三

上造出四分斗之二

公士出四分斗之一

術曰各置所稟粟斛斗數爵次均之以爲
列襄副并而加後來大夫亦五斗得二十
以爲法以五斗乘未并者各自爲實實如

法得一斗

稟前五人十五斗者大夫得五斗不更得四斗簪褭得三斗上

造得二斗公士得一斗欲令五人各依所得粟多少減與後來大夫即與前來大夫同據前來大夫已得五斗故言亦也各以所得斗數爲褭并得十五而加後來大夫亦五斗凡二十爲法也是爲六人共出五斗後來大夫亦俱損折今有術副并爲所有率未并者各爲所求率五斗爲所有數而今有之即得

今有粟五斛五人分之欲令三人得三二人得二問各幾何

荅曰

三人人得一斛一斗五升十三分升

之五

二人人得七斗六升十三分升之十

二

術曰置三人人三二人人二爲列衰副并爲法以五斛乘未并者各自爲實實如法

得一斛

返衰

以爵次言之大夫五不更四欲令高爵得多者當使大夫一人受五分不

更一人受四分人數爲母分數爲子母同則子齊齊即衰也故上衰分宜以五四爲列焉今此令高爵出少則當使大夫五人共出一人分不更四人共出一人分故謂

之返衰人數不同則分數不齊當令母互
乘子母互乘子則動者爲不動者衰也亦
可先同其母各以分母約其子爲返衰副
并爲法以所分乘未并者各自爲實實如
一法而

術曰列置衰而令相乘動者爲不動者衰
今有大夫不更簪褭上造公士凡五人共出百
錢欲令高爵出少以次漸多問各幾何

荅曰

大夫出八錢一百三十七分錢之一

百四

不更出一十錢一百三十七分錢之
一百三十

簪裹出二十四錢一百三十七分錢
之八十二

上造出二十一錢一百三十七分錢
之一百二十三

公士出四十三錢一百三十七分錢
之一百九

術曰置爵數各自爲裹而返裹之副并爲

法以百錢乘未并者各自爲實實如法得一錢

今有甲持粟三升乙持糲米三升丙持糲飯三升欲令合而分之問各幾何

荅曰

甲二升一十分升之七

乙四升一十分升之五

丙一升一十分升之八

術曰以粟率五十糲米率三十糲飯率七

十五爲裹而返裹之副并爲法以九升乘

未并者各自爲實實如法得一升

按此術三人所

持升數雖等論其本率精麤不同米率雖少令最得多飯率雖多返使得少故令返之使精得多而麤得少於今有術副并爲所有率未并者各爲所求率九升爲所有數而今有之即得

今有絲一斤價直二百四十今有錢一千三百二十八問得絲幾何

答曰五斤八兩一十二銖五分銖之

四

術曰以一斤價數爲法以一斤乘今有錢

數爲實實如法得絲數

按此術今有之義以一斤價爲所有

率一斤爲所求率今有錢爲所有數而今有之即得

今有絲一斤價直三百四十五今有絲七兩一

十二銖問得錢幾何

答曰一百六十一錢三十二分錢之

二十三

術曰以一斤銖數爲法以一斤價數乘七

兩一十二銖爲實實如法得錢數

按此術亦今有

之義以絲一斤數為所有率價錢為所求率今有絲為所有數而今有之即得

今有練一丈價直一百二十八今有練一匹九尺五寸問得錢幾何

答曰六百三十三錢五分錢之三

術曰以一丈寸數為法以價錢數乘今有

練寸數為實實如法得錢數

臣淳風等謹按此術亦今

有之義以練一丈寸數為所有率價錢為所求率今有練寸數為所有數而今有之即得

今有布一匹價直一百二十五今有布二丈七

尺問得錢幾何

荅曰八十四錢八分錢之三

術曰以一匹尺數爲法今有布尺數乘價

錢爲實實如法得錢數

按此術亦今有之義以一匹尺數爲

所有率價錢爲所求率今有布爲所有數今有之即得

今有素一匹一丈價直六百二十五今有錢五

百問得素幾何

荅曰得素一匹

術曰以價直爲法以一匹一丈尺數乘今

有錢數爲實實如法得素數

按此術亦今有之義以價

錢爲所有率五丈尺數爲所求率
今有錢爲所有數今有之即得

今有與人絲一十四斤約得練一十斤今與人
練四十五斤八兩問得練幾何

答曰三十二斤八兩

術曰以一十四斤兩數爲法以一十斤乘

今有絲兩數爲實實如法得練數

此術亦今有之

義以一十四斤兩數爲所有率一十斤爲
所求率今有絲爲所有數今有之即得

今有絲一斤耗七兩今有絲二十三斤五兩問

耗幾何

荅曰一百六十三兩四銖半

術曰以一斤展十六兩為法以七兩乘今

有絲兩數為實實如法得耗數

按此術亦今有之義

以一斤為十六兩為所有率七兩為所求率今有絲為所有數而今有之即得

今有生絲三十斤乾之耗三斤十二兩今有乾絲一十二斤問生絲幾何

荅曰一十三斤一十一兩十銖七分

銖之二

術曰置生絲兩數除耗數餘以為法餘四

十兩即乾絲率三十斤乘乾絲兩數為實實如法

得生絲數凡所得率知細則俱細麤則俱

如十兩令生絲率四百八十兩令乾絲率

四百二十兩則其數相通可俱為銖可俱

有乾絲斤數乘生絲兩數為實今以斤兩

錯互而亦同歸者使乾絲以兩數為率生

絲以類為率譬之異類亦各有一定之勢

數餘即乾絲之率於今有術為所有率三

十斤為所求率乾絲兩數為所有數凡所

謂率者細則俱細麤則俱麤今有一斤乘

兩知乾絲即以兩數為率生絲即以斤數

為率譬之異物各
有一定之率也

今有田一畝收粟六升太半升今有田二頃二
十六畝一百五十九步問收粟幾何

答曰八斛四斗四升一十二分升之

五

術曰以畝二百四十步為法以六升太半

升乘今有田積步為實實如法得粟數此按

術亦今有之義以一畝步數為所有率六
升太半升為所求率今有田積步為所有
數而今有
之即得

今有取保一歲價錢二千五百今先取一千二百問當作日幾何

荅曰一百六十九日二十五分日之二十三

術曰以價錢爲法以一歲三百五十四日

乘先取錢數爲實實如法得日數

按此術亦今有

之義以價爲所有率一歲日數爲所求率取錢爲所有數而今有之即得

今有貸人千錢月息三十今有貸人七百五十錢九日歸之問息幾何

答曰六錢四分錢之三

術曰以月三十日乘千錢為法

以三十日乘千錢為

法者得三萬是為貸人錢三萬一日息三十也

以息三十乘今所

貸錢數又以九日乘之為實實如法得一

錢

以九日乘今所貸錢為今一日所有錢於今有術為所有數息三十為所求率

三萬錢為所有率此又可以一月三十日約息三十錢為十分一日以乘今一日所

有錢為實千錢為法為率者當等之於一也故三十日或可乘本或可約息皆所以

等之也

九章算經卷第三